

BOSNA I HERCEGOVINA
Federacija Bosne i Hercegovine
TUZLANSKI KANTON
JP "Međunarodni aerodrom Tuzla" d.o.o.

Broj:01/I-1496- 42 /23
G.Dubrave, 13.11.2023.godine

Na osnovu člana 69. stav (1) tačka a) i člana 70. Zakona o javnim nabavkama BiH (Službeni glasnik Bosne i Hercegovine broj: 39/14 i 59/22), te prijedloga Komisije za provedbu postupka javne nabavke na JP „Međunarodni aerodrom Tuzla“ d.o.o., u ime uprave Javnog preduzeća Direktor JP „Međunarodni aerodrom Tuzla“ d.o.o., d o n o s i:

ODLUKU
o izboru najpovoljnijeg ponuđača

I

Ponuda ponuđača **MAX TRGOVINE d.o.o. Zenica**, za ponuđenu cijenu od **15.725,00 KM** bez PDV-a proglašava se najpovoljnijom, te se imenovanom ponuđaču dodjeljuje Ugovor o nabavci **Svjetlećeg logotipa** na JP „Međunarodni aerodrom Tuzla“ d.o.o..

II

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

IV

Ova Odluka stupa na snagu danom donošenja, i objavit će se na web-stranici: www.tuzla-airport.ba u skladu sa članom 70. stav (6) Zakona o javnim nabavkama.

O b r a z l o ž e n j e

Temeljem Odluke o pokretanju postupka broj: 01/I-1496/23 od 20.10.2023.godine, pokrenut je konkurentski zahtjev za nabavku i ugradnju svjetlećeg logotipa, ukupne procijenjene vrijednosti 27.500,00 KM.

Rok za dostavljanje ponuda bio je 31.10.2023. godine do 09:00 sati. Javno otvaranje ponuda izvršeno je u 09:30 sati istog dana, što je konstatovano zapisnikom sa otvaranja ponuda broj: 01/I-1496-9/23. Zapisnik sa otvaranja ponuda dostavljen je ponuđačima u skladu sa zakonskim i podzakonskim aktima.

Nakon izvršenog otvaranja ponuda, komisija je dana 31.10.2023. godine pristupila analizi dokumentacije priložene uz ponude u smislu provjere njihove validnosti obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima. Kriterij za dodjelu ugovora je „NAJNIŽA CIJENA“.

Prema zapisniku o zaprimanju ponuda broj 01/I-1496-8/23, Komisija konstatuje da se za nabavku prijavilo 5 ponuđača i to:

1. MAX TRGOVINE d.o.o. Zenica, čija je ukupna cijena ponude 27.500,00 KM bez PDV-a
2. BOBO GRAF d.o.o. Istočno Sarajevo, čija je ukupna cijena ponude 27.100,00 KM bez PDV-a
3. DEEP REKLAME d.o.o. Visoko, čija je ukupna cijena ponude iznosila 24.400,00 KM bez PDV-a
4. PRINT STUDIO d.o.o. Mostar, čija je ukupna cijena ponude iznosila 25.400,00 KM bez PDV-a
5. SANA TEHNIKA d.o.o. Banja Luka, čija je ukupna cijena ponude iznosila 27.500,00 KM bez PDV-a

1) Uvidom u ponudu broj 1 ponuđača MAX TRGOVINE d.o.o. Zenica ustanovljeno je da sadrži svu dokumentaciju zahtjevanu tenderskom dokumentacijom, te ispunjava uslove tražene tenderskom dokumentacijom i ista može biti predmetom vrednovanja primjenom kriterija „NAJNIŽA CIJENA“. Komisija jednoglasno konstatuje da je ponuda prihvatljiva.

2) Komisija je nastavila sa evaluacijom pristiglih ponuda, te je konstatovala uvidom u priloženu dokumentaciju i suštinskom provjerom sadržaja i validnosti dokumentacije, da ponuda broj 2 ponuđača BOBO GRAF d.o.o. Istočno Sarajevo sadrži svu traženu dokumentaciju. Ponuda ispunjava uslove tenderske dokumentacije i kao takva je prihvatljiva, te može biti predmetom vrednovanja primjenom kriterija „NAJNIŽA CIJENA“.

3) Uvidom u ponudu broj 3 ponuđača DEEP REKLAME d.o.o. Visoko ustanovljeno je da sadrži svu dokumentaciju zahtjevanu tenderskom dokumentacijom, te ispunjava uslove tražene tehničkom specifikacijom i ista može biti predmetom vrednovanja primjenom kriterija „NAJNIŽA CIJENA“. Komisija jednoglasno konstatuje da je ponuda prihvatljiva.

4) Uvidom u ponudu broj 4 ponuđača PRINT STUDIO d.o.o. Mostar ustanovljeno je da sadrži svu dokumentaciju zahtjevanu tenderskom dokumentacijom, te ispunjava uslove tražene tenderskom dokumentacijom i ista može biti predmetom vrednovanja primjenom kriterija „NAJNIŽA CIJENA“. Komisija jednoglasno konstatuje da je ponuda prihvatljiva.

5) Uvidom u ponudu broj 5 ponuđača SANA TEHNIKA d.o.o. Banja Luka ustanovljeno je da sadrži svu dokumentaciju zahtjevanu tenderskom dokumentacijom. Uvidom u potvrdu Banke o solventnosti ustanovljeno je da nije u skladu sa uslovima traženim tenderskom dokumentacijom, kao i da ne obuhvata traženi period solventnosti od 6 mjeseci od objave nabavke, odnosno od 20.04.2023. do 20.10.2023.godine. Komisija jednoglasno konstatuje da ponuda ponuđača ne ispunjava uslove za kvalifikaciju tenderske dokumentacije i kao takva je neprihvatljiva.

Slijedom svega navedenog Komisija konstatuje da u e-aukciji mogu učestvovati sve prihvatljive ponude, te predlaže zakazivanje e-aukcije sa sljedećom početnom rang listom:

1. MAX TRGOVINE d.o.o. Zenica, čija je ukupna cijena ponude 27.500,00 KM bez PDV-a
2. BOBO GRAF d.o.o. Istočno Sarajevo, čija je ukupna cijena ponude 27.100,00 KM bez PDV-a
3. DEEP REKLAME d.o.o. Visoko, čija je ukupna cijena ponude iznosila 24.400,00 KM bez PDV-a
4. PRINT STUDIO d.o.o. Mostar, čija je ukupna cijena ponude iznosila 25.400,00 KM bez PDV-a

E-aukcija je zakazana za 06.11.2023. u 12:00 sati. Prema Izvještaju o toku i završetku e-aukcije, e-aukcija je završena 06.11.2023. u 12:40:00 sati sa konačnom rang listom ponuđača:

1. MAX TRGOVINE d.o.o. Zenica, sa ukupnim umanjenjem početne ponude od 42,82%, iznosi 15.725,00 KM.
2. DEEP REKLAME d.o.o. Visoko, sa ukupnim umanjenjem početne ponude od 35,35%, iznosi 15.775,60 KM.
3. BOBO GRAF d.o.o. Istočno Sarajevo, sa ukupnim umanjenjem početne ponude od 38,01%, iznosi 16.800,00 KM.
4. PRINT STUDIO d.o.o. Mostar, sa ukupnim umanjenjem početne ponude od 13,39%, iznosi 22.000,00 KM.

Temeljem navedenih činjenica Komisija za provođenje postupka javne nabavke svjetlećeg logotipa na JP „Međunarodni aerodrom Tuzla“ d.o.o. jednoglasno je konstatovala da postoje uslovi za izbor najpovoljnijeg ponuđača, te predložila Upravi ugovornog organa da donese Odluku o izboru najpovoljnijeg ponuđača i Ugovor o nabavci dodijeli ponuđaču MAX TRGOVINE d.o.o. Zenica, čija ukupna cijena ponude nakon provedene e-aukcije iznosi 15.725,00 KM bez PDV-a, a u skladu sa članom članom 69. stav (1) tačka a) kao i članom 70. Zakona o javnim nabavkama BiH.

Na osnovu prijedloga Komisije za provođenje postupka javne nabavke za nabavku predmetne robe na JP „Međunarodni aerodrom Tuzla“ d.o.o., donesena je odluka kao u dispozitivu.

PRAVNA POUKA: Žalba se može izjaviti u roku od 5 (pet) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:
5 x Ponuđačima
1 x Evidenciji
1 x a/a



DIREKTOR

Dževad Halilčević
Dževad Halilčević